

明代傳記叢刊・名人類⑦
周駿富輯

國朝列卿紀
(三)

(明)雷禮纂輯

明文書局印行

國朝列卿紀卷之二十七

南京吏部尚書年表

師

達

山東東阿人國子生
永樂二十二年任

黃宗載

江西豐城人進士
宣德十年任

魏驥

浙江蕭山人鄉舉
正統十三年任

曹義

應天句容人進士
景泰元年任

崔恭

北直廣宗人進士成化
五年由吏部尚書調任

錢溥

南直華亭人進士成化十五年
以左侍郎掌部事陞尚書致仕

陳俊

福建莆田人進士成化二
十年由南兵尚書改任

王與

南直武進人進士弘治元年任

張悅 南直華亭人進士弘治八年任改南兵部

倪岳 應天上元人進士弘治九年任歷吏部加太子少保

秦民悅 南直舒城人進士弘治十二年任歷南戶兵二部

林瀚 福建閩縣人進士弘治十三年任改南兵部

楊守趾 江鄞縣人進士弘治十八年由本部侍郎進尚書致仕

李傑 南直常熟人進士正德元年任改禮部

黃珣 浙江餘姚人進士正德二年任

王華 浙江餘姚人狀元正德二年任

劉忠 河南陳留人進士正德二年任歷內閣少師

梁儲 廣東順德人進士正德五年任歷內閣少師

張

燦

廣西南平人進士正德六年任改南兵部

孫

需

江西德興人進士正德九年任

劉

春

四川巴縣人進士正德十三年任改禮部

廖

玘

北直東光人弘治庚戌進士正德十六年任歷吏部加太子太保

羅

欽順

江西泰和人弘治癸丑進士嘉靖元年任改禮吏二部未任

楊

旦

福建建安人弘治庚戌進士嘉靖二年改吏部未任

顏

順壽

湖廣巴陵人弘治庚戌進士嘉靖三年任改刑部

朱

希周

南直崑山人弘治丙辰狀元嘉靖四年任六年致仕

吳

一鵬

南直長洲人弘治癸丑進士嘉靖六年由禮部尚書調任加太子少保八年致仕謚文端

劉

龍

山西襄垣人弘治己未進士嘉靖八年任改南兵部

嚴嵩

江西分宜人弘治乙丑進士嘉靖十二年任歷內閣少師

湛若水

廣東增城人弘治乙丑進士嘉靖十五年任改南兵部

聞淵

浙江鄞縣人弘治乙丑進士嘉靖十八年任歷吏部太子太保

張邦奇

浙江鄞縣人弘治乙丑進士嘉靖二十一年任改南兵部

宋景

江西泰新人弘治乙丑進士嘉靖二十一年任

唐龍

浙江蘭谿人正德戊辰進士嘉靖二十三年任歷吏部加太子太保詳吏部

張潤

山西臨汾人弘治壬戌進士嘉靖二十四年以工部尚書丁憂起任二十六年致仕

張治

湖廣茶陵人正德辛巳進士嘉靖二十七年任歷內閣

王學夔

江西安福人正德甲戌進士嘉靖二十八年任改南兵部

屠楷

廣西臨桂人嘉靖癸未進士嘉靖二十九年任改南兵部

潘

潢

南直婺源人正德辛巳進士
嘉靖三十一年任改南兵部

周

延

江西吉水人嘉靖癸未進士嘉靖三十
二年任改南兵歷都察院左都御史

楊行中

順天通州人嘉靖癸未進士
三十三年任三十五年致仕

鄭曉

浙江海鹽人嘉靖癸未進士嘉
靖三十五年推未任改京營

王用賓

陝西咸寧人正德辛巳進士嘉靖三
十五年由禮部尚書兼學士調任

毛愷

浙江江山人嘉靖乙未進
士四十五年任改刑部

劉宋

湖廣麻城人嘉靖乙
丑進士隆慶元年任

吳獄

山東汶上人嘉靖壬辰進士
隆慶元年任四年改兵部

王本固

直隸邯鄲人嘉靖甲辰進士
隆慶四年任萬曆元年致仕

劉光濟

直隸江陰人嘉靖甲
辰進士萬曆元年任

潘晟

浙江新昌人嘉靖辛丑進士
萬曆四年任五年改北禮部

趙錦

浙江餘姚人嘉靖甲辰進士萬曆
五年任十年致仕十一年起用

汪文盛

湖廣崇陽人嘉靖戊戌進士
萬曆七年改任未上

何寬

浙江臨海人嘉靖庚戌進士
萬曆七年任十年致仕

趙賢

河南汝陽人嘉靖丙辰進士萬
曆十一年任養疾十二年致仕

畢鏘

直隸石埭人嘉靖甲辰
進士萬曆十一年任

丘櫟

山東諸城人嘉靖庚戌
進士萬曆十三年任

李世達

陝西涇陽人嘉靖丙辰進士萬曆
十四年任十五年改南京兵部

袁洪愈

直隸吳縣人嘉靖丁未
進士萬曆十五年未上

楊成

直隸長洲人嘉靖丙辰進士萬曆十六年由
養病南京禮部起用十七年改南京兵部

陸光祖

浙江平湖人嘉靖下未
進士萬曆十七年任

孫

鑑

浙江餘姚人嘉靖丙辰進士萬
曆十八年由吏部左侍郎陞任

馬スリキ

ラニニ

フ

034-010

南京吏部尚書行實

師達字九達山東兗州府東阿縣人由縣學貢入國子生洪武
二十五年陳情養母求仕特擢監察御史革除中陞陝西按察
使時獄囚淹繫殆千人達至審其罪量輕重而決遣之決旬之
間獄爲之空丁母憂去壬午年成祖入正大統召爲兵部右
侍郎尋轉吏部右侍郎永樂四年營北京宮殿命採木湖廣
七年成祖征虜命達總督餽運二十年命署南京禮部事
二十二年進南京戶部尚書兼掌吏部事宜德二年正月丙申
卒於官遣官賜祭命有司治葬事初達任吏部時典銓衡
者率任已自用不容於人往往不愜輿論達能詢衆以求公當

且能廉不取一毫非義錢其扈從在北京又禪身介特 成祖
知之間語左右曰六部扈從之臣不貪者惟達一人蓋 上簡
注有素云

黃宗載原名垕江西南昌府豐城縣人自幼喜學年十五歲已
能爲里塾師爲郡庠子弟從熊伯機受春秋取洪武丁丑進士
爲行人謹恪自治奉使西方未嘗受餽遺歷左右司正以父憂
去治喪無違禮不飲酒食肉者二年服除領舊職永樂癸未以
賢舉授湖廣按察司僉事時湖廣諸道惟銅鼓五開最難治分
巡劄卷者多憚行蓋天下巨奸猾皆謫戍其間善舞文弄法
興事撓官府而陰把持其短長往者欲稍按治卽糾結如沐漆

不可解欲一切漫漶則見嗤無可奈何多避不肯往宗載至當
刷卷卽毅然治行到武陵問風俗知其人苦於從軍女子惡爲
軍婦不果嫁男子則慮婦家往從戍而以徭賦累已不果娶至
年三四十猶獨處宗載召鄉老里正諭人道大端俾轉相告語
務嫁娶以時不踰月成婚姻者三百餘家他縣聞風皆樂從俗
爲之變乃榜諭銅鼓五開諸姦豪數其罪惡且發其善端曰不
收寘之法衆知宗載務以德化人皆相戒勿犯莫有干於理者
丙戌徵請文淵閣修永樂大典書成受賞而歸戊子朝廷以
海運糧餉赴北京下湖廣造海船四十九 命擇風憲官之賢
且能者蒞其事衆議以屬宗載而工部所遣官務苛察生事將

聞於上以炫能宗載鎮之以靜消其毒螫而落其機牙得不
擾而成功已丑車駕將北征遣都指揮吳王徵兵湖廣王暴
貪失期上謂按察司官不糾劾於是宗載與同僚皆坐累謫
楊青驛宗載處之如平時遣一力受役而躬自執爨未嘗有不
豫暇則閱書史以吟咏自娛癸巳復起山東道監察御史侃侃
自持不肯少貶以徇俗乙未上親策士於廷時鴻臚寺無卿
丞張斌任事恃城守功最狠戾多所中傷人頗憚之以不與讀
卷至爭論上前不已宗載奏斌不學無識不可以讀卷乃敢
煩瀆聖聽如此當伏法士輸壯之丙申命巡按交趾交趾
城中儲軍營房覆以茅故多火宗載廉知軍民歲伐材陶瓦備

官用然皆資權豪命三司帳官稽其數凡有取者皆著於籍由是無敢私費不半年營房皆易以瓦覆火患遂息時工部尚書東萊黃福掌交趾藩憲二司才行過人而不事邊幅御史往者多庸常視之至宗載獨恂恂恭讓而法亦不廢及歸行李蕭然無交趾一物東萊嘗語人曰吾久居此所接御史多矣惟宗載知大體己亥丁祖母憂居家有旨奪情受貴州道監察御史益謹禮蹈義遇事必究極是非不曲隨於禍福利害不計也故再陷刑辟而賴公道以免甲辰宣宗正位東宮妙選東宮僚職輔導擢詹事府丞未幾陞行在吏部左侍郎時少師蹇義猶兼領吏部事多倚之宗載協力一心進退人才必合公論不苟

爲異同故一時號得人洪熙元年 賜誥命制詞有清潔平恕
恭謹厚重之褒是年遣祀夏禹及南鎮會稽山因 錫鈔八百
錠俾歸焚黃於墓下其後嘗奉 命往浙江理軍政及伐宮殿
大材於湖湘設施措置舉不失宜故事集而民不告勞宣德十
年 英宗嗣位臨萬邦顧南京根本重地建置百司以吏部爲
之首宜得謹厚大臣往蒞之九月以 命宗載陛辭之日 詔
進爲尚書以行正統八年以老疾求致仕 上初不許章四上
乃許之歸豐城故第又幾年年七十九以疾終宗載在南京雖
無遷選之勞而勞於馭吏正已率物無少回撓屹然如泰山喬
嶽不可撼陰陽闔闢風雲雷雨以榮悴百物而細大不遺其施